



Mónica González Pavón, vicesecretària-interventora deth Conselh Generau d'Aran.

CERTIFIQUI:

Qu'eth Conselh de Govèrn, en session ordinària d'1 de junh de 2026 adoptèc, entre d'auti, er acòrd següent e que transcrit literaument ditz:

“2au.- APROBACION, SE PROCEDÍS, DETH PLEC DE CLAUSULES ADMINSITRATIVES PARTICULARS, DER EXPEDIENT DE CONTRACTACION E DERA LICITACION DETH SUBMINISTRAMENT E SERVICI DE “CREACION E MANTIENEMENT DES PAGINES WEB CORPORATIVES DETH CONSELH GENERAU D'ARAN E D'AUTI ORGANISMES DEPENENTS”.- (Exp. num. 1276-0001/2026)

Vista era prepausa der Airau de Naues Tecnologies e Innovacion, ena quau se da compde deth besonh de realizar eth contracte de *Creacion e mantienement des pagines web corporatives deth Conselh Generau d'Aran e d'auti organismes depenents* pes motius que seguissen:

Eth Conselh Generau d'Aran a eth besonh de realizar eth contracte mixte deth servici e subministramnet de *Creacion, redessenh e mantienement des pagines webs deth Conselh Generau d'Aran e es organismes depenents e eth servici de Webmaster* pes motius que seguissen:

1. Ei voluntat deth Conselh Generau d'Aran contractar eth servici de *Creacion, redessenh e mantienement des pagines webs deth Conselh Generau d'Aran e es organismes depenents e eth servici de Webmaster*.

Creacion e mantienement des pagines web següents:

- Conselh Generau d'Aran
- Torisme Val d'Aran
- e-Commerce
- Musèus e Promocion culturau
- Joenessa
- ETEVA
- Espòrts
- Productes Val d'Aran - Agroalimentacion
- Seccions dera web deth Conselh e fiches techniques.

Readaptacion deth dessenh, mantenença e hosting des pagines web següents:

- Politica Lingüística
- Aran Salut
- Pompièrs·Emergències
- Hub Innovacion Hèpic
- Permissi de Caça

Hosting des pagines web següents:

- Lauegi
- Gestor d'accèssi ath miei naturau (Aparcaran)





- Gestor de contenguts de App Movil Guidaran

Servici de webmaster

2. Er abast d'aguest contracte includís:

- Servici de consultoria pendent era fasa d'implantacion que permite definir es foncionalitats, configuracions e parametrizacions des pagines webs.
- Servici d'implantacion, includint es prètzhèts de definicion de foncionalitats, configuracions, parametrizacions, pròves, formacion as usatgèrs, etc.
- Servici d'explotacion e mantienement preventiu, correctiu e evolutiu, includint es servicis d'atencion ar usatgèr.
- Servici cloud entath lotjament des diferentes pagines web.
- Servici de webmaster.

Vist eth Decret de Sindicatura num. 0141/2026 de 16 de març, en quau se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hòns, eth finançament deth servici a contractar ei previst ena aplicacion pressupostària num. 2026/01.920.227.06 deth pressupòst vigent entar exercici 2026.

Cossent damb çò que dispausen es articles 17, 25, 28, 116, 117, 118.1, 122, 156 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govern aprovar eth Plec de clausules administratives particulars, er expedient de contractacion atau coma era licitacion deth servici nomenat, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [publicat en DOGC num. 8980 de 16 d'agost de 2023 e BOP Lleida num. 159 de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des tres (3) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion de "*Creacion e mantienement des pagines web corporatives deth Conselh Generau d'Aran e d'alti organismes depenents*", plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst



maxim de tres cents seishanta tres mil tres cents trenta tres euros damb nauanta sies centims (363.333,96 €) IVA includit, damb eth desglossament següent:

- Tres cents mil dus cents setanta sis euros (300.276,00€) en concèpte de pressupòst net e,
- Seishanta tres mil cinquanta sèt euros damb nauanta sies centims (63.057,96 €), en concèpte d'IVA ath 21%

	Subministrament	Servici	Bossa d'ores
An 1	67.800,00 €	9.320,00 €	18.000,00 €
An 2	16.500,00 €	14.370,00 €	24.000,00 €
An 3	- €	20.120,00 €	30.000,00 €
Prorròga an 4	- €	20.120,00 €	30.000,00 €
20% Modificacion contracte			50.046,00 €
VEC			300.276,00 €

Dusau.- Aprovar er expedient entara contractacion de "Creacion e mantienement des pagines web corporatives deth Conselh Generau d'Aran e d'alti organismes depenents" mejançant procediment dubèrt subjecte a regulacion armonizada, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant e en DOUE, en tot daurir en aquest moment eth tèrme de trenta cinc (35) dies naturaus entara presentacion d'aufèrtes, cossent damb çò que dispause er article 156 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau còste ar efècte oportun, signi aquest certificat d'orde e damb eth visteplatz deth sindic accidentau.

Vielha, *signat electronicament*

Vist e platz
Eth sindic accidentau

Francisco Bruna Capel